

8,55.3.9/3

EPISTOLA

CVIVSDAM

ANONYMI CATHO-

LICI, QVA SOLATVR PRÆ-

dicantes Lugentes Sortem HVNNII & Sym-
mystrarum ob rem infelicitè & menda-

citer ab illis R A T I S B O N A E

gestam

CVM GLOSSIS ORDINA-

riis *Anonymi*

IN NOTATIONES HVNNII PRÆ-

dicantis Witebergenfis.



INGOLSTADII,

Ex officina Typographica EDERIANA, apud
ANDREAM ANGERMARIVM,

M. DCII.

THE
JOURNAL
OF
THE
ROYAL
ANTHROPOLOGICAL
INSTITUTE
OF GREAT BRITAIN
AND IRELAND
VOLUME 10
PART 1
1880

1880



EPISTOLA ET NOTÆ DE COLLOQVIO RATISBONENSI.

Anonymus Lectori.

DEDICAT *Hunnus* notationes
tuas in Epistolam Anonymi Poëta
uidam: Ego meas tibi, mi Lector;
quisquis es: quisquis futurus es.
Hilariter igitur accipe, quod hilari mente da-
mus; Et si quid hilariuscule notis his intersere-
tur, id gaudio; quod Hunnū notationes pepe-
rerunt, adscribe. Abite cura. Exporrigere non-
nihil frontem iuuat, dum tam lepidi Predican-
tis notationibus notas inuro. Labor gratus &
facilis, ac proinde iucundus. Vbi receptui ca-
netur veteri illa tuba, *ῥύγονε κἀγὼ οὐκ ἔτι ἀρδισήσω,*

A 2

Foras

Foras Cares, non amplius antheſteria. *Phrontiſterium* ἔφροντιδας fronte graui repetemus. *Ludum ſereca nunc ludam poſtea redibo ad eiſdem Episto-
las, alioſque ſeueros ἔς caperatos li-
bellos.* Bilem ſi Hunnio in nares conciuero, ἐντὶ γὰρ ὤζους, καὶ οἱ αἰὶ δρυμῶα χολὰ ἐπὶ ῥινὶ κἀθῆναι. *Para-
tum leniendi, pacandique remedium habeo.* Scribit Plinius, rabiem hircorum, ſi mulceatur
barba, mitigari. *Quid hac ratione promptius?* *Sicarula colla tumefcant, haud ſegnius ἔς ſe-
cius tragi huius barbitium, Menippeo longè
denſius ἔς productius, arripiam, quàm apud
Homerum ἀργυρόπιτρα πέτις ἀνθεγεῶνα, hoc eſt, men-
tum Iouis.*

*Verùm benè mihi. benè Hunnio. ad notas
accedo: Si quid tamen prius in Epistolam dedi-
catoriam nota uero. Inſcribit notationes ſuas
Poëta, ἔς quidem coronato. Rectiſimè. Quo-
enim magis decorè mittantur ſigmenta, quàm
ad Poëtam ſigmentorum Patrem. Non ua-
let hic vetus illud: In ſiluam ne ligna feras. Nec
illud: vlulas Athenas. Et cur valeat? Maior
eſt quid dicit, Habenti dabitur. Ergo coronatus
lauru Poëtica à Delio, coronetur nouo menda-
ciorum*

ciorum & calumniarum sermo ab Hunnio, qui Poëta suo gratulatur exilium. Ex Carinthia enim nuper pulsus Francofortum venit, ob Lutherum. Laudo affectum amici in amicum. utinam tibi pari gratulatione vicem rependere posset, aut ego vice illius: facerem ^{magis} & ut prisci dicebant, animitus. Gratulans gratularer tibi, si ex Saxonia tu tuique gregales mitteremini cum Ouidio Tomos, ubi, ut inquit Tertullianus, sol nunquam liber, vnus aer, nebula; totus annus, hybernum: omne, quod flauerit, Aquilo est. Interim miror stultitiam tui Nasonis, qui propter Lutherum vertere solum voluerit. Quisquis pro parte Donati, ait S. Augustinus, vel fimbriam vestimenti perdiderit, cor non habet. Quanto magis corde caret, qui patriam propter vilissimum & diabolarem Apostatam perdit.

Exilij culpam confert Prædicans in Iesuitas. Hoc scilicet restabat. Nimirum quicquid totæ terrarum orbe geritur, id si Prædicantibus non arrideat, Iesuitarum consilio & impulsu geritur. Etiam Carlstadtus, credo, Witebergæ à Iesuitis, et si necdum natus, olim electus fuit,

fuit, ut & nuper Huoberus, & Augusta Mylius cum suis Symmystis; Ratisbona nescio qui Smidelino minus morem gerentes: aliunde plurimi alij aut cum Concordistis concordare, aut cum hoc vel illo Pracone primas sibi vendicante, consentire detrectantes. Verentur Iesuita, ne ad similitudinem veteris quidem, ut ait S. Augustinus, sed à temporibus Christianis capti prouerbij: Non pluit Deus, dic ad Christianos; effingatur nouum. Prædicantes & Hæretici eiectioni sunt, dic ad Iesuitas. Eiecti sunt, olim publico Imperatoris decreto Origenista ex Palaestina & Ægypto. Culpa adscribebatur, ut nunc Iesuitis, ita tunc S. Hieronymo: in quos ironicè idem S. Pater. Imperatorum quoque scripta, quæ de Alexandria & Ægypto Origenistas pelli iubent, me suggerente dictata sunt. Vt Romanæ urbis Pontifex miro eos odio detestetur, meum consiliū fuit. Vt totus orbis post translationem tuam in Origenis odia exarserit, quem antea simpliciter lectitabat, meus operatus est stylus. Si tantum possum, miror cur me non metuas.

Ceterum ego saepe miror Iesuitas, hoc καὶ οὕτως
οὕτως

20
 ①, pulchrum probrum, ut Euripides loquitur, sibi gloria non ducere, & à vobis seu verè seu falsò obiectum, ambabus manibus non acceptare: vel Pradicantium exemplo, quibus nullus candidior sol illucet, quam quo Papistà ad suas partes pellexerunt, & quid dico pellexerunt? nimis mite hoc verbum, sed minis, vi, est cum & carcere, adegerunt & coëgerunt: aut si manus dare noluerit, domo fortunisque omnibus exactum euersumque in exilium eiec-
 cerunt. Quid magni, si vna manus Græc-
 nica decem Galilæos trucidauit, aiebat olim Iu-
 lianus Apostata, sic & Pradicantes; Quid re-
 fert, si vno die non vna decas, sed decies & sa-
 pius repetita Pontificiorum decas aliò migra-
 re iussa sit. Hac videlicet Istebiensis Euangelij
 lex est, hac consuetudo. Si tu tua opera effice-
 res, ut Iesuita aliquibus ex locis expellerentur;
 triumphū, opinor, & supplicationes ad omnia
 Deorum puluina, veterum ritu, tibi decer-
 ni postulares: Tantum abesset, ut hoc tam exi-
 mium facinus tacitum haberes, aut corde pre-
 meres. Tum primū ineptissimus ille anagram-
 matismorum textor tibi accineret, Ah diuinus.
 viges.

viges. Ah diuinus genius. Cur non: Ha diuinus
viges: nam illud mœroris, hoc latitiae index est.
Quis Hæreticorum non despicit Ecclesiasticos,
inquit S. Hieronymus. Quis non exultat in
malis eorum, si quando propter populi peccata
persecutioni traditi fuerint? Quod tibi tuisque
licere vis, id aliis ne vetes, & quod tibi dari vis
laudi, id aliis crimini ne dederis. Risi, cum exu-
lem Christi legi. Crede mihi, exul Lutheri, non
est exul Christi. Quod S. Augustinus de Mar-
tyribus, hoc ego ad exules accommodabo. Mara-
tyres (exules) testes dicuntur, testes autem Chri-
sti, veri testes sunt. Isti autem (Lutherani) falsi
testes inuenti sunt, æquæ ac olim Donatista.

Ominatur Hunnius, & tantum non diser-
sis verbis adprecatur, auctoribus huius exilij
diuinâ vindictam, quasi breui subsecuturam.
μαρτυρίας. Forte auguratur fore, ut iterum exi-
stat quispiam ex Lutheri propagine, qui ali-
quod ^{ὀχινομα} in manus Getici Tyranni tradat,
causamque suorum exulum proditiōne vindi-
cet: Vt Damones crebrò prædicunt ea quæ vel
suo vel aliorum ministerio facere decreuerunt,
ita & Prædicantes diuinant futura, quæ fu-
tura,

*tura, quæ futura non essent, si ipsi arioli simul
 & malefici esse nollent. Interim Hunnianus e-
 xul exilium lectione Tomorum Lutheri, ma-
 ximè opusculorum, quæ in sua Pathmo scripsit,
 leuare potest. Ea sola voluptas, solamenq; malî,
 de collo biblia pendent.*

*Sub finem dedicationis mittit Prædicans
 per suum Poëtam salutem, quam non habet,
 Prædicanti cuidam, cui nomen Figulo. Placet
 amor inter figulos. Verum esse desit, ut video,
 καὶ κεραμεὺς κεραμεῖ φθονεῖα. figulus figulo inuidet. Ver-
 te stylum Hesiodæ. En quantus amor inter duos
 figulos, verè figulos à fingendo. Fortè in figuli
 huius figlina fingere didicit Hunnius, non
 ollas aut cacabos, sed fraudes, fute-
 las & dolos. Sed sat præfatio-
 nis in præfationem. Lo-
 quatur nunc Ano-
 nymus.*

B

Textus



Textus Epistola.

Circa nuperæ disputationis Ratisbonensis euentum, quod ais, aduersarios passim victoriam canere, equidem non miror, suo id more aũgt, vt qui victi sunt, vicisse existimẽtur.

NOTÆ IN NOTATIONES HUNNIANAS.

Otat Prædicans, à se suisq; meritò victoriam prædicatam fuisse; cum verè parta fuerit. Non nego Hunni, victoriam adeptus es, eamq; multiplicem: i. Impudentiæ. ii. Loquacitatis & verbositatis. iii. Inscitiæ & imperitiæ. iv. non obseruati, imò perturbati ordinis in disputando; v. Fugæ & effugij cum intra præscriptos limites manendũ & certandũ erat. Vicisti omnes saltando extra oleas. Hanc quintuplicem palmam nemo tibi eripiet, quam vbicunq; prædicaueris, verè prædicabis. Vicisti Hunni; eo modo quo vicerunt Fortunatus Manichæus, Maximinus Arianus, & Pascentius itidem Arianus; congressi cum S. Augustino. Vicisti denique eo modo quo falsitas veritatem vincere solet: scis quomodo vincat? Falsò. Hoc enim priuilegium sola & vnica veritas habet, vt verè vinci nequeat, falsò queat. Sed falsa victoria, & nulla victoria sunt synonyma. Quod S. Augustinus Pascentio, hoc ego tibi loco Iesuitarum. Facile est, vt quisq; Augustinum vincat; videris vtrum veritate an clamore. Non est meum dicere, nisi quia facile est, vt quisque Augustinum vincat, quanto magis vt vicisse videatur, aut etsi non videatur, vicisse dicatur, facile est. Hoc nolo pro magno putes: nolo pro magno appetas: Non enim bonum hominis est, hominem vincere, sed bonum est homini, vt eum veritas vincat volentem, quia malum est homini, vt eum veritas vincat inuitum. Nam ipsa vincat necesse est, siue negantem siue consistentem. Nolo ergo attendere quomodo vincatur Augustinus, qualiscunq; vnus homo,

homo, sed attende potius utrum vinci possit petra illa, supra quam fundata est Ecclesia aduersus inferorum portas, omnesq; sectarios inde emissos inuicta. verissimè Damascenus: nulla vnquam Hæresis de Ecclesia triumphauit. Sed semper quidem furit, at postquam aliquantum progressa est, statim euanescit.

Textus Epistola.



Ec mirum est fidem eos humanā violare, qui ne Deo quidem integrè seruarunt.

NOTÆ IN NOTATIONES HVNNIANAS.



Extus hic attulit Hunnio Cordolium. Bona verba; exclamat. Bona verba libenter daremus, si bonis dignus esset. Cum *Care carizza*: monet vetus verbum. Qui tangi non potest *urbanatim*: tangi debet *rusticatim*, Fidem diuinam amisisti, quia Hæreticus es: Fidem humanam; quia Prædicans, hoc est, mentiens es. Idem enim Prædicans & mentiens. Apud Indos lex fuit, ut qui semel mentitus esset, ab omni Magistratu, honore, munere exfors haberetur & repulsus. Bone D e v s, ubi nam essent Prædicantes si hæc lex nunc vigeret? Quo quis enim mendacior, eò ad Prædicantis ministerium aptior & habilior existimatur. Miser igitur es vtraq; hac fide amissa. *Fidem qui perdit, quò seruet se in reliquum?* quærit Syrus. Omnia perdidit, qui fidem perdidit. *Fidem qui perdit, ait ille idè Syrus, perdere vltra nihil potest.*

Prudentius fecisses Hunni, si cum Plautino Ballione encomia tibi data agnouisses, grataq; manu accepisses. cum ille audiret, sacrilege, sociofraude, legirupa, periure, fraudulente, non exclamauit ut tu: Bona verba. Fauete linguis; ευφημῶτε. Sed quid? Vetera vaticinamini. Verbera uisti patrem atq; matrem. Atq; occidi quoq; , potius quàm cibum prahiberem, nū peccauit quippiam? En quàm sua elogia non respuit. Cur tu tua? Dicit mihi o hypocrita ait auctor operis imperfecti; si bonum est esse bonū (& fide dignum) ut quid non vis esse: quod vis apparere? Si verò malum est esse malum (& fide indignum) quid vis esse, quod non vis apparere? Nam quod turpe est apparere, turpius est esse; quod autem formosum est apparere, formosius est esse. Ergo aut esto quod appares, aut appare quod es.

Epistola & Nota
Textus Epistola.

EGo sanè, qui disputationi ab initio ad finē vsq; præsens fui, & quædam etiam notæ tu digniora memoriæ causa in chartas conieci, ita hac disputatione affectus fui, vt si hæcenus in hæresi & natus & educatus fuisset, vel hoc momento ad Catholicorum castra transirem. Vsq; adeo manifestè apparuit ex perpetua aduersariorum tergiversatione eos suatueri nullo modo posse.

Nota in notationes Hunnianas.

Hæc sita est, ait Prædicans, euenit tibi, quod proverbio iactatur, ὄνος λύρας ἤκρσαι καὶ σάλπιγγος ἦς. *Asinus lyram audiuit, & tubam suam.* Imò homoratione præditus audiuit ἐν τῷ λυγρῷ καὶ σάλπιγγ' ὄνος *Asini lyram & tubam suis.* Quos λίρας non ἤκρσαι delirus iste Lyranus? Quos grunnitus rostrata illa sua tuba non edidit iste Grunnius? Mouilli me, mi lyricen & tubicen, longè plus quàm Polyphemus Doridem, cū suam Galateam decantaret. ἤκρσα μὲν αὐτῷ ἄδοντος, aiebat illa ὄνον ἂν τις δοκῶσθαι ἔδοξε. *Audiui canentem: Asinum rudere dixisses.* Quoties animo occurrerunt illa: ὄνος πρὸς ἀνδρῶν; ὄνος πρὸς λύρας: *Asinus ad tibiam & lyram:* cum stuporem tuū accuratius perpendi: Nec immemor fui illius; *sus per rosas & amaracum;* quoties arrepto Bibliorum codice, plura legebas, quàm intelligebas.

Quod sæpius tergiversatus es, ignosco. Ita 'olet iniquæ mētis asellus, qui officium non facit, nisi caput & latera fuste saligno aut iligno probè dedolentur. Protocollum, ad quod hic prouocas, colli tui testis est, multa; mendacia tuorum symmystarum & tua decollat: Inprimis hoc, quo Relationē ornasti: Metui à Iesuitis Protocollī publicationē Quomodo metuitur, cū editio catholicorū vestram anteuerterit? Vel ob hoc mendacium iure tibi lector adprecetur, quod Poëta cuidā impuro: Miscelle Doctor, & tibi sit improbo, tuumq; nomen θ signet scetilis.

Textus

Textus Epistola.

ET vt in specie intelligas quātas ignominiae notas ex hac disputatione Prædicantes reportarint, aliquas tibi breuiter recensebo ex iis, quas ipsemet paucis inter disputandum annotaui, bona tamē fide, ita vt non dubitem me hac in re ad ipsum aduersariorum protocollum, si quādo prodibit, referre.

Notæ in notationes Hunnianas.



Ratularis tibi de nomine Prædicātis. *Malumus*, inquis, esse Prædicantes, quā Misisificantes. *μῆδ' εἰς φθόνοϛ*. Ama hāc tuam *Thaidem* efflictim, vt voles: riuialis nō ero. Illud miror, quod huic nomini tuo auctoritatē nō cōciliaueris ex scriptura, allatis aliquot testimoniis. Nam Luc. 4. scriptum est, *Et erat Prædicans in Synagoga Galilee*. En quā prisca res Prædicans. Et ad Rom. 10. *Quomodo audient, sine Prædicante?* certē, qua arte & peritia hæreos tuæ dogmata ex scriptura pingis, eadem potes & nomē, nisi velis ab Homericō Talthybio aut Eurybate Prædicātis nomen deducere. Fuerūt enim *κῆρυκεϛ*, hoc est. *Prædicātes*, aut ex Batrachomyomachia ab aliquo Hypsiboa, aut Craugaside, aut Physignatho.

Nomen *Misisificantis* respis, sed inmerito. Nam Prædicantes sūt verissimi *Misisificātes* nō à missā, quæ sacer cultus, sed aut à voce *missa* quæ Grammaticis adiectiuū: An nō cnim *misisificātes*; qui fidem, religionem omnēq; honestatē missā faciunt: aut à missā, quæ *missio*: misificantes nāq; sūt, qui missā, hoc est, missionē dant, pudori, integritati, innocētiæ, totiq; virtutū venerādo cōtui. Salue igitur mi Prædicans, salue iterū mi *Misisificans*: qui verbo & exemplo toties canis: Ite pudor, integritas, vosque priscae & auitæ virtutes, Missa, seu missio est. ilicet.

Rides hic rasq; vertices. Nil à persona, quam sustines, alienum facis. Barba es *Æsculapius*, capillo *Sylvanus* vel *Faunus*, non cnim dicam, intonsus *Cynthius*: nimis honorificū hoc vocabulū. *Pan Panas amat*, *Polyphemos Polyphemos*. *μῦθε μὰ μῦθε μὲν φίλος*, Dicā clarius vt capias. *Alin' alino*, & sus sui pulcher, καὶ γὰρ ἡ κύνων κυνὶ κάλλισον

ἔιναι φαίνεται καὶ ἑὸς τοῖ Canis pulcherrimus videtur cani, & bos boui. Catalogum emblematum vestrorum annotavi, ferè tam prolixum, quàm est Catalogus Homericus, quo exercitum ad Troiam profectum καταλογάειν perceret: quem si integrum adscribere vellem, ante diem clauso componet vesper olympo, quam centesimam eius partem exsequar. Ergo summa sequar fastigia.

Pandite nunc Heliconæ Deæ cantusq; mouete,

Vos meministis enim Divæ & memorare potestis

Effata illa Hunniana & Hunnianorum, partim impia, partim absurda, partim imperita, partim asystata: Agmen agat hoc, ex quo cætera omnia. RATIO CÆCA EST. Tua utiq; mi Hunni. Vinā cum cæco illo mēdico secus viam sederes, clamaresq; *I E V fili David miserere mei*, interrogantiq; quid petas; diceres, *Domine ut videam*. Sed lepidum: quod prædicantem, qui sua ipsius confessione cæcus est, viæ ducem sibi elegerunt. Nonne cæcus si cæco ducatum præbeat, ambo in foveam cadunt? Aut si ratio eius lumen habet; non igitur cæca est. Quod igitur hoc lumen? Forte lucerna Diogenis. Sed vide Hunni, quam in te beneuolo sim animo, veteri versu & verbo vero. τυφλὸς κατ' ὄψον, τόντε ὄψιν, τὰτ' ὄψιν, Auribus, & oculis & animo cæcus es.

II. *Præcepta affirmatiua semper & pro semper obligant. Quare & quocumq; tempore cuiusq; rationem fidei poscenti, reddenda est ratio. Quia quicquid præcipit Petrus, id est necessarium: Petrus præcipit quovis tempore reddendam esse rationem fidei, ergo est necessarium semper & quovis tempore.*

III. *Infantes in lege naturæ mortui sine ullo remedio expiandi originale peccatum, saluati sunt.*

IV. *Et hoc ideo præcisè quia erant ex semine Abrahæ, licet Abraham nec dum natus esset.*

V. *Infantes masculi post institutam circumcisionem sine circumcisione defuncti à beatitudine non exciderunt: quia scriptum est, ego ero DEVS tuus, & seminis tui post te.*

VI. *Infantes sine baptismo mortui consequuntur salutem. VII. Quia sunt ex semine Abrahæ. Etiam sine baptismo. VIII. Hoc ideo dicendum, ne parentes careant solatio. IX. Ideo quia Christus est propitiatio pro peccatis totius mundi. X. Cathedra Moysis adhuc durat: non obstante illo Domini in cruce, consummatum est. XI. Non dantur traditiones, & tamen libros Moysis fuisse Moysis; non constabat nisi ex traditione.*

XII. *Nullus.*

XII. Nullus vnquam punitus fuit propter transgressionem legis non scriptæ, quod ad dogmata & cultus attinet. Non ergo puniti sunt idololatræ, qui ante bibliorum libros conscriptos in Idololatria ex viuorum numero abierunt. XIII. Euangelium S. Matthæi esse Canonicum, non est articulus fidei. XIV. Euangelium Nicodemi non esse Canonicum non est articulus fidei, non dogma. XV. Christus non se, sed Moysen fecit Iudicem in nouissimo die. XVI. Et hoc illis verbis Ioann. 5. Est, qui accusat vos Moyses. XVII. Ex quo rectè infertur; accusatorem & iudicem apud Hunnium non modò vnum & eundem; sed etiam vnum & idem esse. XVIII. Non se, sed sermonem suum fecit Christus Iudicem in extremo iudicio. XIX. Aderunt ipsi bibliorum codices; & quidem materiales isti; quibus nunc vrimur. Sed cuius editionis? cuius linguæ?

XX. Iudex non debet ita dicere sententiam, vt ab vtrâq; parte perspicuè & euidenter intelligatur. XXI. Subditi sunt iudicum iudices; quia de illorum decretis possunt & debent iudicare. XXII. Pharisei in moribus externis nihil habuerunt, quod magnopere reprehendendū esset. Iniuria ergo affecti sunt à Domino; qui grauissimè in mores illorum, etiam externos, inuectus est. XXIII. Celebratio Pasche non est cultus diuinus. Quem ergo colit Hunnius per Pascha suum? XXIV. Pascha potest absque hæreses nota alio quàm dominico die celebrari: licet Augustinus, Tertullianus, Epiphanius, Theodoretus, Damascenus & alij Quartadecimanos pro hæreticis habitos scribant, quod Pascha non cum Christianis celebrarent. XXV. Sententia Synodi Nicænæ aduersus Arium non fuit vltima & absoluta. XXVI. Infantes quando baptizantur, actu credunt. XXVII. Et hoc inde rectè concluditur, quia etiam Ioannes Baptista in vtero materno, actu credidit. XXVIII. Vituli aurei à Hieroboam erecti 3. Reg. 12. erecti fuerunt in honorem DEI. Ergo & vitulus aureus in deserto. XXIX. Ipsum verum DEVM vocabant Iudæi Baalim; eumq; in idolo illo colebant.

XXX. Pascha quale apud nos celebratur non est à DEO institutum. XXXI. Qui celebrationem Paschatis obrudit quasi sit necessaria obseruatio, sub ratione cultus, is sit hæreticus. XXXII. Pharisei Ioannis 5. prouocabant ad Moysen. Sed vbi illa prouocatio in illo capite? XXXIII. Quod Epistola ad Romanos sit sacrosancta & canonica, id non ex testificatione Ecclesiæ, sed ex internis κριτήριis habemus & desumimus. XXXIV. Verè & efficaciter me esse baptizatum debeo certo & EVIDENTER scire, aliàs fides mea edificata esset supra arenam. XXXV. Nisi euidenter scirem & crederem, me efficaciter esse baptizatum, tum dubitarem

bitarem de promissione DE I. Omisiss aliis ineptitudinibus; dic Prædicans, quomodo euidenter scire, & credere simul consistent. Scio quid dici possit; sed nescio quid tu possis: & vt aliquid in hoc genere posses, non tamen te ab absurditate longè absurdissimæ; & falsi laqueis, quibus hæc propositio implicata est; explicares. XXXVI. *scriptura requirit, vt de sui baptismi veritate & efficacia quisq; certus sit euidenter.* Sed vbi illa scriptura? XXXVII. *Sephora vxor Moysis fuit infidelis.* XXXVIII. *Quia si non fuisset infidelis, facile scire potuisset ex cap. 17. Genesis ex illa tabula fæderali, inquit Prædicans, filios esse circumcidendos.* Et tamen cum Moyses in Ægyptum pergeret; Genclis nondum scripta erat: & tabulæ illæ, quas Prædicans vocat fæderales, nondum fabricatæ. XXXIX. *Absurdū est in hoc seculo nō posse finire lites respectu partium litigantium; sed* DEVS *hoc absurdum tolerat.* Minus ergo Ecclesiæ suæ prospexit, quam quiuis alius publicus legislator, rerumq; publicarum institutor; qui in id vnum ante omnia incumbit, vt rationem inecat, qua controuersię componantur & sopiantur. Et nihil est absurdius; quàm lites in Republica tolerare. Sed benè habet: Prædicans absurdum hoc statim per euidentem contradictionem tollit. XL. *Quod* DEVS *ipse dixit, non est dictū absurdum.* DEVS *ipse dixit; Controuersias duraturas vsq; ad finem mundi: ergo non est dictū absurdum.* Et tamen paulò ante hoc absurdum erat: & DEVS hoc absurdum tolerabat. Verùm iam non est amplius nec dictū, nec factū, nec toleratu absurdum, postquam Prædicans per contradictionem, quæ prius asseruerat, euertit.

Vidi item & audiui permulta alia mira, noua; in historiam, Dialecticam, Grammaticam iniuriosa. Nam XLI. *Tertullianus fuit Episcopus Carthaginensis.* XLII. *Theophylactus Bulgariae Episcopus vixit circa annum Domini. 600. cum minimū duobus seculis sit iunior.* XLIII. *Tertullianus inter Latinos Ecclesiæ scriptores primus: Fallum.* Hunc enim ex Latinis antecesserunt Victor Pontifex & Apollonius; vt testatur Sanctus Hieronymus in catalogo scriptorum Ecclesiasticorum. XLIV. *Nouum pater noster audiui. Remitte nobis debita nostra, sicut (& aliquando, quemadmodum) & nos remittimus. nequaquam dimitte & dimittimus: quia hoc prisci; illud recentius, ideo melius. Ne nos inducas, sine copula: Et ne nos inducas: non sine appendice consueta: Quia tuum est regnum Angliæ, Scotiæ, Daniæ, Noruegiæ; & potentia tam passiuæ, quàm actiuæ; tam materialis quàm formalis. Quàm timui, ne, vt in Germanico, ita & in Latino, tandem antistrophem nobis adferrent.*

ferrent : *Noster pater*, pro *Pater noster*. neuc : *panem quotidianum*, in vinum quotidianum transubstantiarent : *Vinum nostrum quotidianum da nobis hodie*. XL V. Syllogismum primæ figuræ imperitissimè retulit Hunnius ad secundâ, nesciens quid sit prædicari, quid subiici. XL VI. Maximo pære mihi placuit iste syllogismus. *Qui credit, & baptizatus fuerit saluus erit*: *Ego credo & baptizatus sum*, ergo mihi hoc est credendum, me fore saluum. XL VII. Quid dicam de ingeniosissimis consequentiis, quarum ad aures meas allapsu beatus fui. *Christus est propitiatus pro peccatis totius mundi*: ergo *infantes olim mortui sine circumcissione salutem non amiserunt*. Ergo etiam iam *infantes sine baptismo defuncti saluantur*. XL VIII. *Baptismus fuit institutus ante passionem Domini*, ergo etiam obligabat ante passionem Domini. XL IX. Ezechiel vidit quatuor animalia, ergo *Euangelium S. Matthæi est canonicum*. L. *Moses inssu Dei scripsit decem fœderis verba*, hoc est, decem præcepta : Ergo quicquid unquam *Deus Moysi mandauit*, id *Moyse literis commendauit*. LI. *Latro in cruce fuit saluatus sine baptismo*, ergo etiam *infantes, qui sine baptismate moriuntur, à beatitudine non excidunt*. LII. *S. Paulus baptizauit aliquando integras familias*, ergo *euidens est ex sola scriptura infantes esse baptizandos*, quia *euidens est in illis familiis fuisse infantes*. LIII. *Sine fide impossibile est placere Deo*, ergo *infantes actualiter credunt*. LIV. *Saluator totum mundum diuidit in credentes & non credentes*, ergo *infantes actualiter credunt*. O blitommama : *non enim sunt ex non credentibus*, ergo *ex credentibus actû*, ergo *credunt*, quia *credens credit*. O plumbum ; & si quid plumbo magis plumbeum.

Sed quis omnes huius classis consequentias enumeret ? Non mihi si lingvæ tentum : ἀγίτε βωκολικὰς μᾶσσάϊτε, ἀγίτε' αἰοδᾶς. Nec dum sed μετ' ὀλίγον L V. Quando Hunnius non potuit probare, cœpit examinare & interrogare. L VI. Minorem syllogismi de iudice à D. Grefero propositi primo negauit, concessa maiore ; postea pressus, eandem concessit negata maiore : iuxta illud Poëtæ ; πάντα ἐνὰ δία γένοιτο, καὶ ἂ πῖτος ὄχλος ἐνέκω. Omnia permutantur, & pinus pira ferat. Verumque fiat falsum, & falsum verum. L VII. Nulla vi intra legitimos disputandi cancellos contineri Prædicantes potuerunt. Statim à Dialectica ad polylogiam garriendique & verbosè ociosequæ declamitandi artem defilierunt. L VIII. Ferè excidisset σὺλός σὺλός Hunnij : Nisi Prædicantes circumfessitantes latera & aures Hunnij tutudissent, & vellicassent ; iam ex paroxytono σὺλ & natum fuisset oxytonum σὺλός ; si in Atheniensi Prytanéo declamasset, plansum

tulisset ab auditoribus; eum videlicet, quem pedibus dare consueverant, si quid in pronuntiatione titubatum fuisset: Illud mirari subit, eum Notarij tam diligenter notarint fictitium illud Διδάσκατε, imò & typographi instinctu Prædicantium maiusculis in suo protocollo excuderint; cur Hunnianus συλῶς ab ipsis sit præteritus, & in vocem συλῶς commutatus. An non tam grandis Doctoris συλῶν & colosum in eminente & conspicuo loco collocatum oportuit? Quid verò tu ô Caipha? Ecce post tot annos mutatio nominis tibi subeunda est; Caaphas, quasi ex Capha Euxini natus esses, non Caiphas audis. Sed recipe animum. Non solus tu fortunæ ludibrium. Alios eadem fors tangit, nec viros tantū, sed & loca. Balaam enim iam non est amplius Balaam, sed *Bileam*: Samson; *Simson*: Galgal, *Gilgal*. Caueat Pilatus, ne fiat *Palatus*. Quàm facilis enim labor Hungio aut Rungio vnum chamets aut patach primæ syllabæ subiicere: λέγετε βωκολικῶς μῶσαι, ἵτε λέγετ' αἰσῶσαι. Sed quid præmij cedit Hunnio pro his emblematis? λέγετε τοι Δωσῶ δ' ἰδ' υμᾶτόκον, ἐς τῆς ἀμέλῃου, inquit ille pastor. καὶ βαθὺ κισσύσιον. *Capram ei dabimus gemelliparam, quam ter quotidie mulgeat, & vaslum poculum, vel si vellet, ut geodὸν τῶρον cornutum hircum, ἐς τῆς ἀμέλῃου, ut eum in dies singulos ter mulgeat.* Collegæ Hunnij libenter supponent cribrum. Quid eliges Hunni? Nomen Ægidij monet, ut eligas ἀγα; Barba tua ut γάγον. Dixi paucis pauca ex plurimis, quæ vidi, quæ audiui Ratisbonæ. Sed quàm debili sum memorial memoriam propemodum fugisset præstantissima Prædicantium memoria; qui omnia sua argumenta & quidem longissima, memoriter ex libro ad stuporem usque tam probè & accuratè recitabant; ut ne syllabam quidem omitterent. Quàm ardentibus votis & suspiriis optabant scholastici Ratisbonenses, ut memoriæ huius vsus in scholas introdueretur. Quàm bene illis cautum esset, ab ylmis & betulis & ferulis; si potestas, postquam legerat textum *Isaia, plicuit librum, & reddidit ministro, & sedit.* Isti suum codicem an caudicem nunquam clauderant, nisi quando abibant.

Nunc venio ad emblemata, de quibus tu in tuis notationibus, quorum nonnulla mera sunt ex pectore tuo extrusa mendacia: ut quod Gretserus dixerit, per fermentum Phariseorum *vitiosos duntaxat mores* intelligi. Item quod, quæ Aaron dixit, præcepit, fecit, Exod.

32. nec dixerit, nec praeceperit, nec fecerit; & id genus alia in Hun-
niano figmentorum gurgustio fabrefacta. Quædam adeo vera sunt,
vt nihil sit cur eorum Iesuitas pudeat: vt summum Pontificem esse
iudicem omnium controuersiarum, Scripturam aut Spiritum san-
ctum loquentem per scripturam, non posse per hanc scripturam,
quam modò habemus, & vt talis est, ita dicere sententiam, vt Grets-
erus euidenter sciat, se causam amisisse, Prædicantes causam ob-
tinuisse: quia quod Spiritus sanctus per scripturam non est locutus,
id per istam scripturam vt talis est, loqui non potest. Plura enim lo-
qui non potest, per scripturam, quam locutus sit: hoc quod Grets-
erus causam amiserit, Prædicantes eam obtinuerint, Spiritus san-
ctus non est locutus per scripturam &c. Sed plura de hoc nuper
Doctor Gretserus in digressionibus. Item, Thobiam in itinere
suo habuisse canem: esse articulum, seu dogma, seu obiectum fidei,
& cætera eiusdem classis & notæ. Sed offendit te Catulus Thobiaz:
Si tanta bestia es, vt huius bestiaz ingenio non capiaris, demus tibi
asinum, cui insidens Christus Hierosolymam intrauit. An non est
dogma seu articulus seu obiectum fidei, Christum asino vectum
Hierosolymam venisse? Aut si asinus iste propter tam sanctum ses-
sorem, nimis pro te honestus est & magnificus, accipe asinum, qui
Achitophelem vexit ad laqueum & suspendium 2. Reg. 17. Quod
si tam grandis es asinus: vt vnus tibi non sufficiat, accipe illa sexagin-
ta asinorum millia, quibus Israelitæ, præter reliquam prædam, locu-
pletati sunt, deuictis Madianitis Num. 31. Interim nobis & Thobiaz,
relinque catulum, fidum illum comitem & sodalem: non minus le-
pidum, gratiosum & iucundum, quam fuerit Sapphirus, aut Mopsu-
lus Lipsij. ὡς πόσις ὅσον τῷ θεῷ ποίησαν ἄτακτες θηρίον ἀνδρώ-
ποισι μετέμμεναι. ὡς ἐπιμανθές. εἰ δὲ καὶ φεῖναι ὡς τε νοήμονες ἐν δόξῃ
θεῶν ἵσταντο δὲ δὴ ὥστε χεῖρ χαλεπαίνεμεν ὥστε καὶ οὐκί, οὐκ ἀντοί θεῶν. τίς
ἐδύνησεν περὶ τιμῆς. Nab: quale hoc animal à Diis factum: vt cum homi-
nibus versetur. Quam prudens, cui si tantum mentis inesset, vt intelligeret,
cui succensere, cui non succensere oporteat, primas utique inter omnia teneres.

Alia quæ tu inter emblemata tua collocas eiusmodi sunt,
vt grauissimis veterum Doctorum testimoniis defendi & con-
firmari queant. Vt fuisse aliquod externum medium & remedium
abolendi primæui peccati pro paruulis in lege naturæ: & postea pro
mafculis ad diem circumcisioni præstitutum non pertingentibus ob

acceleratum fatum. Item, bonum Latronem, Martyrem & esse & dici posse. Hoc enim sensit & docuit S. Augustinus, Cypriani auctoritatem secutus. Hoc S. Hieronymus : S. Bonaventura ; S. Anselmus, & alij quos nuper D. Gretserus aduersus tuam impudentiam prima digressionem testimonij dicendi causa produxit. Præterea cætera; nolo enim quidquam præreptum, aut præceptum siue Gretsero, siue Tannero.

Quæris, an non viderim Tannerum sess. 12. *totum in sacrum conditum*. Non vidi, ô Prædicans; ne Argus quidem vidisset, qui totus est *oculus*; licet adfuisset. Hoc vidi, te ab Tannero negatas consequentias ne verbulo quidem probare potuisse; aut num probare posses; experiri voluisse. Vtinam illa ratio præcisè negandi aut concedendi aut distinguendi propositiones, perpetuò obseruata fuisset: quam sæpe obmutuisses Hunni: quàm sæpe lingua faucibus hæsisset. Nec, vt tu mentiris, negauit D. Tannerus consequentias syllogismorum, non assignato vitio in præmissis, sed enthymematum; in quibus, concessio antecedente, consequentiam negare, omni Dialectico iure licet. Tu cur non probasti? Nimium vt alias, ita & hic volebas rationem negationis reddi, vt redditam garrulitate tua inuaderes, & sic ab onere probandi consequentiam euaderes. Hoc enim eximium habent Prædicantes, præsertim Hunnius, vt quamprimum vel vnum verbulum explicationis gratia ex respondentis ore promittitur, præter nego, concedo, *distinguo*; id arripiant, & ab eo, quod ex instituto probandum erat, longissime abscedant. Quare nihil satius aut fructuosius, quàm Prædicantes, ne expacientur, horum trium verborum quasi *triangulo* includere. Quo facto, qui Prædicantes nihil posse non viderit, is non modo Tiresia (quod tuum est exemplum) sed & Hypsæa & talpa & Leberide cæcior fuerit.

Redis nunc cū tua lyra, & cum tuis *ὄνοις πρὸς λυγρὰν*. Nescio cur tibi Arcadicum pecus tam sit amabile, & volupe: nisi quod, vt vulgò dicitur, æqualis æqualem delectat, similisque simili gaudet. Rectè antiquus Poëta: γέγων γέγοντι γλῶσσαν ἡδ' ἰσὺν ἔχει; *senex seni suauissimam linguam habet*. Tibi asini lyra. Dic, sodes, causam. Foran & sub bruti huius ymbra suauius & iucundius requiescis; quam Tityrus sub tegmine fagi. Quiesce ergò, nos tibi *περὶ σκιάς ὄντα* nullam litteram intendemus: quin non inuiti, vt in solidum, tibi, tuisque cedat, patiemur.

Textus.

Textus Epistola.

PRIMA igitur insignis ignominia nota hæc est, quod aduersarij toto decursu disputationis, quæ duabus ferè hebdomadibus durauit, ad formam Dialecticam seruandam adigi nulla ratione potuerunt, præsertim Doctor Hunnius, vt omnes, qui præsentés fuerunt faciliè testabuntur, licet & de ea per leges vtrinq; conuentum fuerit, & à nostris disputatoribus perpetuo inculcata; quin & à nostro quoque Serenissimo Bauariæ Principe grauitè aliquando ea de re admoniti sint aduersarij. Et quantopere apud aduersarios legitima disputandi forma exularet, his indiciis fieri potest manifestum. Primum quod ipsimet aduersarii aliquoties publicè protestati sunt, sibi propositum non esse seruare formam Dialecticam, quam ipsi per contemptum Sophisticam dicebant.

Primo enim statim in sessione secunda cum nostræ partis Theologi (nominatim Doctor Hungerus) monerent aduersarios, vt in forma Dialectica procederent, respondit Doctor Hunnius, nos suo loco probamus & laudamus Dialecticam, & Logicas præceptiones vsurpamus, quantum satis est, ad rerum explicatio-

C

3:

nem.

nem. Iam ad rem &c. quasi diceret, nihil ad Theologicam disputationem interesse vt Dialecticè disputetur.

Secundò, sessione quarta, cum nostræ partis quoq; Theologus P. Tanner ob formā non seruata interloqueretur, rursus D. Hunnius protestatus est, se non progressurum, nisi caueantur eiusmodi interpellationes.

Tertiò, cum sessione 8. rursus instaret D. Tanner, vt aduersarij iuxta leges disputandi ex obiecto scripturæ loco conficerent illationem & syllogismum, denuò protestatus est D. Hunnius; disertissimè, inquit, profiteor me nolle cū isto homine amplius disputare, nisi permittat vt explicentur & euoluantur dicta scripturæ. Nisi enim ratio illa Sophistica (Dialecticam intelligit) coerceatur, nihil possum cum illo agere.

Quartò cum in sess. 11. denuò à nostris exprobraretur D. Hunniò formæ neglectus, addere turq; ei solim quoq; discipulos vehementer mirari, quod iam formam vsque adeo refugiat, qui eam inter discipulos olim studiosissimè vrsert: eum itaq; apertè iam seipsum infamare, suamq; doctrinam prodere, vt quam seruata forma tueri non possit, D. Hunnius nihil respondere potuit.

Quintò

Quintò, cùm in sess. 13. rursus argueretur ob neglectam formā, ait D. Hunnius: Ego formam seruo à Christo & Apostolis obseruatā, quasi verò Christus & Apostoli fidē non aliter defenderint quàm tergiuersando & digrediendo, &c.

Secundū Indiciū est, quod ab aduersariis sæpè per integram & etiam plures horas impetrari nō potuerit, vt vel ad vnicam propositionē responderent, aut negatam propositionē in forma probarent. Vt quidem in primis accidit sessione 4. in qua cum per duas horas aut amplius vrgeretur à collocutoribus nostræ partis, vt miserabilē illam suam propositionem maiorem syllogismi illius, quem mox infra perscriptum reddā, probarent, adduci nulla ratione potuerunt. Item sessione 13. vbi vix per horam ab eis etiam summa contentione adhibita impetrari potuit, vt directè & diserte responderent ad apertissimam illam quæstionem, sitne aliquid fide infallibili credendum, quod nec in scriptura aperte contineatur, nec ex ea sola sufficienter colligatur, quocunque tandem id nomine appelletur. Quocirca etiam à Doctore Tannero Versipelles appellati sunt.

3. Quod nostræ partis collocutores vsque adeo crebrò, necessario tamen inculcârunt illas voces

voces, ad formam, ad formam, vt etiam quidam ex aulicis Serenissimi Bauariæ Principis, qui disputationi præfens fuerat, neque tamen ea quæ dicebantur, intelligebat, nihil aliud audire sibi videretur, quàm perpetuo illud, *Suhrman/ Suhrman*/ita enim malus latinus malè intellexerat illud ad formam, ad formam: quod etiam Ratisbonæ iam quasi in prouerbium abiit, vt inter lusum & pocula celebretur vox ista: ad formam, ad formam. Nec mirum, cum satis constet ipsos quoque Prædicantes ad formam bibere potius & ludere, quàm disputare didicisse.

Secunda ignominia nota est, quia in argumentando manifestè defecerunt: hoc vnicum exempli loco sufficiat. In sessione quarta proposuerat Doctor Haylbrunner argumentum, vt probaret quod scriptura sit vnica norma controuersiarum fidei & religionis: qui reprehendit & punit eos omnes, qui à scripto *D E I* verbo quacunque intentione recedunt, & vel ad dexteram vel ad sinistram declinant, is hoc ipso facto perspicuè testatur, scriptum verbum esse vnicam normam, ad quam omnis cultus conformari debeat; Deus in veteri Testamento reprehendit & punit eos omnes, qui à scripto verbo quacunque intentione recesserunt, &c. Hic cum idem
Doctor

Doctor Haylbrunner statim non expectata vlla prius responsione contra omnem legitimam disputandi formam, prætermissa maiore, quam dicebat probatione non indigere, prolixè & operosè probasset minorem, quæ tamen nulla probatione indigebat: Doctor verò Gretserus à nostra parte maiorem negasset, mirum est quanto pere cōsternati fuerint miseri, ita planè, vt quo se verterent, nescirēt. Putabam (dicebat D. Haylbrunner) maiorem non negatum iri: Et licet nostra partis theologi sæpè sæpius vrgerēt, vt maiorem illam propositionem negatam probarent: aduersarij, nunquam tamen impetrare id potuerunt, cum illi perpetuo tergiuersarentur, nouū, quæ argumentum pro priore obtrudere conarentur, ita prorsus vt tandem aperte coacti sint illam propositionē deferere. D. Tannero eis gratulante, quod tandem intelligerent, eam propositionem falsam esse, & nec probatam hætenus, nec vnquam probari posse.

Tertia est turpissimæ timoris nota: cum enim per duos ferè dies prolixè disputatum esset, de sensu illorum locorum Deut. 4. & 12. non additis, & c. hoc tantum facito, & c. & multa vtrinq; prolixè non sine maximo auditorum fastidio dictata fuissent ad calamum, cunctis interim, etiam

D
ipfis.

ipsis aduersarijs aperte intelligentibus ea ratione ad veritatis cognitionē pueniri nō posse, prouocati sūt aduersarij à Doctore Tanner vt prætermissa illa dictatione palā & quasi cominus manū cōfererent; & seruata ea forma, quæ alioquin inter disputandū consueta esset de eiusmodi locorū sensu & intelligentia disputarent; paratum nihilominus se offerebat, amica eiusmodi disceptatione peractā, etiam ad calamum suas responsiones, quæ restabant, dictare. Negauit D. Hunn. id se facturum. Et cum D. Tanner denuò instaret, eosque ad amicam eiusmodi disceptationem iterū prouocaret, manifestum alioquin futurū omnibus, quod aduersarij recusando eiusmodi disceptationē, subterfugiāt cognitionē veritatis: itaque se rursus per diuinū iudiciū obtestari, vt aduersarij prouocationi tam seriæ acquiescant; rursus consultatione inter se habita abnuerunt. Et cum D. Hunnius inter alias rationes hanc quoque attulisset, sanè perquam friuolam, ne videlicet nostri colloquutores si ad calamum non omnia dictata essent, postea quicquid liberet, dicerent; subiunxit D. Tanner: ecce D. Hunni quàm liberaliter tecū agere velim. Ego quantū in me est, facio tibi liberrimam potestatem, vt de me & meis responsionib. dicas, quod lubet, vicissim autem polliceor,

or nihil me de te dicturū aliud, nisi q̄ totius Auditorij præfētis testificatione comprobari possit. Sed neq̄ sic ausus est congregari miser. Sed constanter certamen recusauit. Quod si cuiuspiam nostræ partis Theologorum id accidisset, iam certè aduersarij non tantum occulte inter suos victoriā iactitarēt, sed palam quoq̄ triumphum agerent.

NOTÆ IN NOTATIONES
HUNNIANAS.

Rositetur Hunnius se amare formam: Sed qualem? varia sunt formarum genera. Quod amator sit formæ, quæ in Susanna binos illos senes in transuertum rapuit, nullus dubito. nā vt de forma Dialectica formosum nostrum Prædicatorem loqui arbi- trer, multa obstant; maximè odiū quod toto colloquio in hanc formā præferebat: & fuga, qua, ne in hanc formam incideret, sese aliò proripiebat, quā primum forma ista in theatro comparebat; Obstant item conuicia, quibus formam hanc in his Notationibus, & in Relatione sua insectatur; dū meretriculā, *Thaidē, Laidē* & quid nō? appellat; etsi certus sum Hunniū à *Thaide* aut *Laidē* tam alieno animo non esse, quā à Domina forma Dialectica. Ait, se amare formā Dialecticā. Sed cuius Dialecticæ? Certè non Aristotelicæ; non antiquæ: non vsitatæ; nam si qui concionatur & declamitat, & ad nullam propositionē directū dat responsū, Dialecticè disputat; ostendit, oro, quā sit hæc Dialectica; quo auctore edita? Quibus in scholis, & à quibus recepta? Nimirū vt fidē & Theologiam nouā; ita & Dialecticā nouam vobis fingitis & cuditis: *Schriff gegen Schriff* non syllogisticè, tamen Dialecticè, verū modo Theologico, clamabat Smidelinus Hunnij præceptor in disputatione quadam Ratisbonensi. Mira verborum implicatio. Disputari non vult syllogisticè, & tamen Dialecticè. Quæ ista Dialectica, quæ syllogismis non vitur? Ergo quantum amabat Smidelinus Maiorem, Minorem, & Conclusionem, tantum quoq; amat Hunnius, Smidelini, catulus, an-
D 2 alinus?

afinus? odit enim catulos (vt supra visum de catulo Thobia) ob dissimilitudinem & antipathiam.

Scio conflictum, in quo maior Hunnio, vt & olim Smidelino, longè gravior est, quàm Minor : & vtraq; coniunctim acceptior adhuc, quàm quælibet separatim. Quis iste conflictus? *Bacchicus*, vbi, vt inquit ille, *qui plus biberit, fortior computatur*. In hoc certamine nunquã auditur à te, tuisq; socijs: & à tuo Poëta Baldwein. *Transseat Maior*; multo minus; *negatur maior*: imò veniat maior. Quò maior, eò gravior: Etiam si maxima ex intimis Lyæi Topicis constet. Concedo maiorem & minorem, & id quod inde ex vi maioris & minoris effertur, & in guttur infertur, nunquam distinguis, sed extinguis. Ad Maiorem æquè expeditè respondes, ac ad minorem: par vtrobiq; facilitas: nunquam hæsitās, nusquam moraris: dictum & factum. Et quid opus me multas agere ambages? hoc, iudicio Prædicantium, est homini quam ob rem vitam amet; hic omnes voluptates, in hoc omnes venustates sunt: In hoc omnes formarum gratiæ & lepores. Hæc vera pugna Dialectica, vbi ex monito Smidelini: *Scripsi an Scripsi. Videri an Videri*. Hæc vera & legitima forma, vbi maiores & minores tam aptè nectuntur & iunguntur, vt non nisi optima, formalisq; conclusio expectanda sit. Hic gratum est illud celestina. *Ad formam, ad formam*. Responde in forma.

Sed redeamus ab hac Semeleia forma ad nostram disputatricem: qua cur non vtatur Hunnius, hanc causam reddit, quod *CHRISTVS* ea non sit vsus, & quod nec Apostoli. Rectius, opinor, se defenderet, si exemplo Phariseorum, Saduceorum, Scribarum & Legisperitorum suam causam tueretur: Nam isti nec in forma respondebant, nec in forma argumentabantur; Cur igitur Hunnius ad hanc formam, & vt ipse loquitur, ad hanc decimam musam, & ad hæc quartam charitem se alligare pateretur? Quid Vulcano fumoso & fuliginoso cum charite? imo verò multum, quia vxor eius apud Homerum charis est; si ritè recorder: Ergo cum Phaisæi, Hunnij proavi, forma non sint vsi, cur ea vtatur Hunnius? cur à maioribus suis degeneret?

Quod ad *CHRISTVM* & Apostolos attinet, etiam si nulla differendi forma & methodo Dialectica vsi fuissent, nec quod tu dicis falsum esset, quod tamen falsum esse ostendit D. Gretserus in Responsio ad Theses tuas: & D. Tannerus in sua Relatione nihilominus non sequeretur, Dialecticam disputandi formam illicitam esse, & vulpibus

vulpibus capiendis adhiberi non posse. *Vulpes insidiosos maximeq; Hereticos significant. dolosos, fraudulentos, cauernosis anfractibus latentes, & decipientes, odore etiam tetro putentes*, inquit S. Augustinus in psal. 80. *Istæ vulpes significantur in canticis canticorum, vbi dicitur cap. 2. Capite nobis vulpes pusillas exterminantes vineas, latentes in cauernis tortuosas, capite nobis, conuincite nobis. Capis enim eum, quem de falsitate conuincis. Vulpes autem solent habere tales foueas, vt ex vna parte intrent, & ex alia parte exeant. Ad vtrumq; foramen captor vulpium retia ponit, per formam Dialecticam, per Syllogismos, enthymemata, aliosq; argumentandi modos, exemplo Domini: Contradicientibus namq; vulpeculis Domino, ait S. Augustinus, & dicentibus: in qua potestate ista facis? respondete mihi & vos, inquit, vnu sermonem. Baptismus Ioannis vnde est, de celo est an ex hominibus? ad vtrumq; foramen captor vulpium retia posuit. Dicite mihi de celo est an ex hominibus? Sentiunt illi, eum ex vtraq; parte tetendisse, vnde caperet; & aiunt apud se, si dixerimus, inquit, de celo, dicturus est nobis, quare ergo non credidistis? ille enim testimonium CHRISTO perhibuit: Si dixerimus, de terra, lapidabit nos populus, quia vt Prophetam eum habent. Sentientes ergo hæc atq; hæc esse, vnde caperentur, responderunt, nescimus. Et Dominus: nec ego vobis dico in qua potestate ista facio. Vos dicitis, vos nescire quod scitis, ego vobis non dico quod queritis: quia ex nulla parte exire ausi estis; in vestris tenebris remansistis. Obtemperemus ergo & nos, si possumus, verbo DEI, capite nobis vulpes pusillas exterminantes vineas; Videamus si & nos quasdam vulpeculas capere possumus. Proponamus ad foramen vtrumq;, vt vnde vulpes exire voluerit capiatur.*

At vulpes molestè ferunt hanc capiendi formã. Mirũ, ni venatores sibi à vulpibus prescribi patiantur formam, qua vulpes capi cupiant.

Ait Hunnius, se amare formam, sed suo loco & tempore; vbi verò iste locus Hunnij? Ratisbonæ profectò non fuit. Vbi istud tempus? in Nouembri & Decembri non fuit. Quando igitur? Amat formam, sed non Iesuiticam, non in scholis vsitatam, non illam apud omnes Theologos & Philosophos frequentatam. Quam igitur formam amat? obstreperam; Archytæ crepitaculo magis garrulam: Citeria loquaciorem, Thersita ἀμετροπείσης αὐ, vno verbo, talem, quæ vbi omnia dixit, nihil dixit.

Maiorem illam syllogismi vestri negatam à nostris Theologis: Qui reprehendit & punit omnes eos, qui à scripto DEI verbo quacumq; intentione recedunt, & vel ad dexteram, vel ad sinistram deflectunt; is hoc ipso facto perspicuè testatur, scriptum verbum debere esse vnicam normam,

ad quam omnis cultus conformari debeat. hanc, inquam, maiorem negatam, probasti in Colloquio: non nego, & quidem ex scriptura, sed ita, ac si ego ex scriptura probare contenderem has propositiones, *non est Deus: Christus non est homo*: Quia dictio, *non*, continetur in scriptura, ut & dictio, *est*, & dictio, *Deus*: & dictio, *Christus*, & dictio, *homo*, ergo etiam istæ duæ propositiones continentur in scriptura: *Non est Deus: Christus non est homo*. An hæc egregia probatio esset? Pari modo tu. In scriptura continetur. *Qui reprehendit & punit omnes eos, qui à scripto DEI verbo recedunt*; in scriptura, inquam, hoc continetur, tametsi non vno loco: quia verba *reprehendendi, puniendi, & recedendi* in scriptura continentur, & vocabulum; omnes, & eos, & ipsum etiam scriptum DEI verbum; qui terminus ponitur in maiore; ubique in scriptura continetur: ut & ille terminus, quacunque intentione, & ille, ad dexteram, aut sinistram. habemus ergo hanc maiorem partem. *Qui reprehendit & punit eos omnes, qui à scripto DEI verbo quacunque intentione recedunt, & vel ad dexteram vel ad sinistram declinant*; ex ipsis Bibliorum intimis visceribus erutam, ut luculentius & illustrius nihil inde potuerit erui, & si quis adhuc dubitet, is Bibliorum Concordantias accipiat, & omnia vocabula maioris huius, quoad hanc partem reperiet, nisi sicubi Typographus fortè erravit in notis numerorum, quæ errata Humnius præstare nequit.

Iam quod attinet apodofin, alterum membrum propositionis Maioris quod ita sonat; *is hoc ipso facto perspicue ostendit scriptum verbum debere esse unicam normam omnis cultus*, &c. patet hinc: quia Dominus id ipsum quod nos. (Prædicantes) intendimus liquidissime his testimoniis Moysis confirmet, & asserat; nimirum, is hoc ipso facto, &c. & hoc tam disertè, tam luculenter. continetur in sermone Moysis, ut ad lucem & perspicuitatem nihil quidquam accedere valeat. Manet ergo maior illa per hanc solidissimam & in æternum inconcussam responsionem ad quæritivæ probata, & roborata, & ferreis columnis lussulta: quis igitur dubitet, quin illa Maior sit vera, cuius omnia vocabula continentur in scriptura: nec in omnem sempiternitatem erit, qui maiorem istam tot sacrarum litterarum propugnaculis cinctam, & in orbem circumquaque munitam conuellat.

Quam malè ergo à Iesuitis factum, qui talem propositionem negarunt, & Heilbrunnerum in maximas angustias coniecerunt, ut & Hunnium, dum publicè conquererentur, se non putasse, maiorem negatum

negatum iri, atq; adeo hic etiam locum habiturum adagium, *ἄξιον, capra gladium*, alioquin ei probanda collegissent quoq; Neoburgi, vel potius Wittebergæ, aliquot argumenta: sed cum suppositissent claram; liquidam & quasi *radius solaribus* scriptam esse, nihil de ea munienda cogitarunt, donec Hunnio tandem, hæc, quam modo proposuimus, probatio ex Bibliorum Concordantiis occurrit. Et est certè perquam elegans ratio probandi: Nam si singula vocabula propositionis continentur in scriptura, ergo & integra propositio: ita enim statuere videtur Hunnius. suadeo igitur vt probata Maioris laudem nemo tibi auferat; Si quis extiterit, qui id tentet, me patronum, & aduocatum habebis. Defendam te eo modo; quo tuam maiorem defendisti, hoc est, *ἀδ' ἀντιρωσ*. Si nescis Hunni, iam discere: etsi in colloquio etiam super hac re monitus; Quando aliqua propositio ab aduersario negatur, tunc argumentans negatam propositionem inferre debet in alterius syllogismi, vel cuiuscunq; argumentationis conclusionem, ita vt fiat conclusio. Ostende, oro, in toto Protocollo vllum syllogismum, aut enthymema, in cuius conclusione appareat illa maior probata legitime per aliud medium, & ex eo legitime etiam deducta. Ego certè nec in colloquio audiui, nec in Protocollo postea quidquam legi, præter nugatissimam tuam garrulitatem, cui propius inspecta nec pes nec caput constat.

Textus Epistola.

Q Varta ignominia nota est, quod in respondendo quoq; & in suis Thesis defendendis apertè defecerunt. Et quidem circa præcipuū illud disputationis punctū, an videlicet scriptura sit vnica & sola norma omnium cōtrouersiarum religionis, seu, quod idem est, an omnia, quæ ad fidem & religionem spectant, & necessario ab omnibus credenda sunt vel in scriptura sola apertè contineantur, vel ex ea sola sufficēter educantur. In qua quidē quæstione eotādē vi argumentamento,

ad quam omnis cultus conformari debeat. hanc, inquam, maiorem negatam, probasti in Colloquio: non nego, & quidem ex scriptura, sed ita, ac si ego ex scriptura probare contenderem has propositiones, *non est Deus: Christus non est homo*: Quia dictio, *non*, continetur in scriptura, ut & dictio, *est*, & dictio, *Deus*: & dictio, *Christus*, & dictio, *homo*, ergo etiam istæ duæ propositiones continentur in scriptura: *Non est Deus: Christus non est homo*. An non hæc egregia probatio esset? Pari modo tu. In scriptura continetur. *Qui reprehendit & punit omnes eos, qui à scripto DEI verbo recedunt*; in scriptura, inquam, hoc continetur, tametsi non vno loco: quia verba *reprehendendi*, *puniendi*, & *recedendi* in scriptura continentur, & vocabulum; *omnes*, & *eos*, & ipsum etiam scriptum *DEI* verbum; qui terminus ponitur in maiore; ubique in scriptura continetur: ut & ille terminus, *quacumque intentione*, & ille, *ad dexteram*, aut *sinistram*. habemus ergo hanc maioris partem. *Qui reprehendit & punit eos omnes, qui à scripto DEI verbo quacumque intentione recedunt, & vel ad dexteram vel ad sinistram declinant*; ex ipsis Bibliorum intimis visceribus erutata, ut luculentius & illustrius nihil inde potuerit erui, & si quis adhuc dubitet, is Bibliorum *Concordantias* accipiat, & omnia vocabula maioris huius, quoad hanc partem reperiet, nisi sicubi Typographus fortè erravit in notis numerorum, quæ errata Hunnius præstare nequit.

Iam quod attinet apodofin, alterum membrum propositionis Maioris quod ita sonat; *is hoc ipso facto perspicue ostendit scriptum verbum debere esse unicam normam omnis cultus, &c.* pater hinc: quia Dominus id ipsum quod nos (Prædicantes) intendimus liquidissime his testimoniis Moyses confirmet, & asserat; nimirum is hoc ipso facto, &c. & hoc tam disertè, tam luculenter continetur in sermone Moyses, ut ad lucem & perspicuitatem nihil quidquam accedere valeat. Manet ergo maior illa per hanc solidissimam & in æternum inconcussam responfionem ad quærtivæ probata, & roborata, & ferreis columnis suffulta: quis igitur dubitet, quin illa Maior sit vera, cuius omnia vocabula continentur in scriptura: nec in omnem sempiternitatem erit, qui maiorem istam tot sacrarum litterarum propugnaculis cinctam, & in orbem circumquaque munitam conuellat.

Quam malè ergo à Iesuitis factum, qui talem propositionem negarunt, & Heilbrunnerum in maximas angustias coniecerunt, ut & Hunnium, dum publicè conquererentur, se non putasse, maiore negatum

negatum iri, atq; adeo hic etiam locum habiturum adagium, *ἄξιον χαίρου, capra gladium*, alioquin ei probandæ collegissent quoq; Nco-
burgi, vel potius Wittebergæ, aliquot argumenta: sed cum supposuif-
sent claram; liquidam & quasi *radius solaribus* scriptam esse, nihil de ea
inuenienda cogitarunt, donec Hunnio tandem, hæc, quam modo pro-
posuimus, probatio ex Bibliorum Concordantiis occurrit. Et est certè
perquam elegans ratio probandi: Nam si singula vocabula proposi-
tionis continentur in scriptura, ergo & integra propositio: ita enim
statuere videtur Hunnius. suadeo igitur vt probatæ Maioris lau-
dem nemo tibi auferat: Si quis extiterit, qui id tentet, me patronum,
& aduocatum habebis. Defendam te eo modo; quo tuam maiorem
defendisti, hoc est, *ἀδ' ἀνατινως*. Si nescis Hunni, iam disc: etsi in
colloquio etiam super hac re monitus; Quando aliqua propositio ab
aduersario negatur, tunc argumentans negatam propositionem in-
ferre debet in alterius syllogismi, vel cuiuscunq; argumentationis cō-
clusionē, ita vt fiat conclusio. Ostende, oro, in toto Protocollo vllum
syllogismum, aut enthymema, in cuius conclusionē appareat illa ma-
ior probata legitimè per aliud medium, & ex eo legitimè etiam de-
ducta. Ego certè nec in colloquio audiui, nec in Protocollo postea
quidquam legi; præter nugacissimam tuam garrulitatem, cui propi-
us inspectæ nec pes nec caput constat.

Textus Epistola.

Q Varta ignominia nota est, quod in respō-
dendo quoq; & in suis Thesibus defen-
dendis apertè defecerunt. Et quidem circa præci-
puū illud disputationis punctū, an videlicet scri-
ptura sit vnica & sola norma omniū cōtrouersia-
rum religionis, seu, quod idem est, an omnia, quæ
ad fidem & religionem spectant, & necessariò
ab omnibus credenda sunt vel in scriptura sola
apertè contineantur, vel ex ea sola sufficiēter edu-
cantur. In qua quidē quæstione eò tadē vi argu-
mento,

mentorū adaçti sunt, vt post incredibilem licet tergiuersationem, aperte confiteri debuerint, esse omnino aliquid credendū, fide Christiana & infallibili, & quidem eadē illa, qua credimus Trinitatis & incarnationis mysterium, quod tamen nec in scriptura expressē extat, nec ex ea sola sufficienter colligitur, nēpe quod sit aliqua scriptura canonica, seu verbum DE I scriptum. Item quod Euangeliū S. Matthæi sit Matthæi, & verbum DE I & c. Quo vel vnico admissio ruit non solū & penitus corruit celebre illud aduersariorum pronunciatum, quod nihil credendum, nisi scriptum, & c. Sed etiam omnia omnino argumenta, quæ ab eis cōtra Ecclesiasticas traditiones obijci solent, præsertim illa toties iterata ex Deuteronomio, Nihil addetis, & c. Hoc tantum facito.

NOTE IN NOTATIONES
HVNNIANAS.



Quæstione, vtrum aliquid fide infallibili credendum sit, quod in scriptura non continetur, absistas, oro; nam quò diutius insistis, eò grauius te intricās, sine vlla spe extricandi; Pareas, fodes, monenti, ita tibi tua quot annis duos vagientes Prædicantes pariat: Aut si tanta tibi te perdendi libido, vno & categorico verbo nos expedi, vtrum aliquid fide catholica & infallibili credendum sit, quod in scriptura non contineatur. Dicis, hanc quæstionem inter te & nostros esse extra litē. verēne hoc & seriò an falsò & mendaciter? Si hoc? cur DEVM mendacij vindicem non metuis? Si illud: cur ergo perpetim vociferamini, omnia, quæ credenda sunt fide Catholica, in scriptura contineri;

Et

Et extra eam nihil. Probens, inquis, *suis traditionibus, quæ sunt in controversia, æque fidem habendam.* Non agitur hoc, Prædicans; sed hoc. Vtrum aliquid extra scripturam credendum sit fide catholica, & infallibili; Nulla quæstio tum erat de Traditionibus; quæ vestro stomacho minus grata & accepta. *Ad formam Prædicantis, non quidem ad illam tui illius Baldweini, sed ad scholasticam & literariam.* Quæstionem da nobis expeditam. Annuis an abnuis? Ais, quod *Euangelium S. Matthæi sit Matthæi, id pertinet ad historiam, non ad dogmata.* Nec hoc ad rem: Et si falsum est: non enim quæstio erat: vtrum sit catholica fide tenendum Euangelium S. Matthæi esse S. Matthæi, sed vtrum catholica fide credendum sit Euangelium S. Matthæi esse canonicum. Ad hoc, oro, respondeas. Dicis, *hoc nimis frigide queri:* Si nimis frigide, quin tu igitur affundis calidam. Affundes autem, si respondeas. *Vtrum fide infallibili credendum sit Euangelium S. Matthæi esse canonicum.* Eia, rumpe silentia, quid cunctaris? An occupavit te Demon ille mutus, quem Pharisei magistri tui in Principe demoniorum à Christo Domino eiectum esse calumniabantur? Responde, quod in colloquio respondisti, *esse quidem fide infallibili credendum, sed non pertinere ad dogmata fidei.* An quod ex tuo colloquio excidit, & in Protocolum venit, nunc ex memoria effluxit? Restitas hic & pauas: nec progredieris, nec regredieris.

Non constat, inquis, ex solo testimonio Ecclesiæ Euangelium S. Matthæi esse canonicum. Vnde ergo, si non ex solo? Da Titire nobis. An ex scriptura? ex qua? Audite; Lectores: quomodo ex scriptura constet Euangelium S. Matthæi esse canonicum. Constat, inquit, Euangelium S. Matthæi esse S. Matthæi; & hoc ex Ecclesiæ testimonio, & quidem ex solo: ergo ex scriptura constat Euangelium S. Matthæi esse canonicum; quia ex scriptura constat S. Mattheum fuisse Apostolum Marci. 3. & Lucæ 6. Profecisti Hunni post reditum tuum in Saxoniam; hanc enim tam acutam, tamque argutam rationem non protulisti in colloquio, sed aliam ex Ezechiele; hanc nimirum, *Ezechiel vidit quatuor animalis pennata, ergo Euangelium S. Matthæi est canonicum.* Nunc quid? Matthæus est Apostolus; Et hoc ex scriptura liquet. Ergo Euangelium illius est canonicum. Quid si ego dicam? Matthias est Apostolus, & hoc ex scriptura liquet, Ergo Euangelium illius est canonicum. Andreas est Apostolus, Ergo Euangelium illius est canonicum, & sic de cæteris, quorum nomine Evangelia olim circumferebantur: At, cedo, vnde scis Mattheum fuisse Apostolum? Ex Evangelio, in-

quies. Caterum Euangelium illud verum dicere, cum dicit S. Matthæum fuisse Apostolum, ynde tibi compertum, nisi ex auctoritate & testificatione Ecclesiæ? Ynde tibi compertum, verba illa non esse supposititia, & intrusa? Si quis simpliciter negaret S. Matthæum fuisse Apostolum, neque vlla Evangelij auctoritate duceretur, quomodo erranti errorem eripere tentares? Ex quo necessario sequitur, non nisi ex eiusdem Ecclesiæ testimonio liquere hoc Euangelium canonicum esse. Vbi enim in toto Matthæo scriptum est, Euangelium hoc esse canonicum?

Hinc tibi ipse diffidens, in hoc responso minimè acquiescis, sed ad asylum ignorantia, hoc est, ad interna pectoris tui *negitia* confugis, quæ procul dubio valde sunt *critica* & *diacritica*. Verum Lutheranus, qui se in has latebras abdit, nihil relinquit, quo alium Hæreticum, qui libri alicuius canonici auctoritatem inficietur, redarguat & reuincat. Nam si illum ad tuam tuorum criticiorum occultam curiam vocare velis, ille eodem iure vocabit te ad suam, tantquam ad forum competentius. Tu tua *negitia* vel potius *negotia* dicere esse vera, ille sua vera, tua falsa. Quis *negit* is erit? Quis finis litium erit, sub iudice, qui tam tenebrosus est, ut à nemine mortalium videatur, à nemine audiatur, nisi per os tuum, quod tam verax est, quam os illius, qui ab initio mendax, mendacique pater fuit.

Interim notemus Hunniana emblemata & asystata pronuntiata:
 1. Euangelium S. Matthæi esse S. Matthæi non est dogmaticum, sed historicum. Liecbit ergo sine periculo fidei negare: Vt & epistolam ad Romanos esse Pauli, vel vtramque ad Timotheum, ad Thessalonicenses, ad Corinthios. 2. Euangelium S. Matthæi esse canonicum colligitur ex internis criticis & indicis. 3. Colligitur hoc ex Ecclesiæ testimonio. 4. Non colligitur hoc ex Ecclesiæ testimonio, sed ex ipsa scriptura. 5. Scriptum est in Evangelio S. Matthæum fuisse Apostolum, Ergo Euangelium illius est canonicum. Quid si aliquis simili argumendi ratione colligat, Nusquam scriptum est S. Marcum fuisse Apostolum, aut Euangelistam, Ergo Euangelium S. Marci non est canonicum. Quid respondebit Hunnius? 6. Hunnius hunc nodum expediat. Ex cuius auctoritate constat, Euangelium S. Matthæi, esse S. Matthæi, ex eiusdem auctoritate constat, etiam Euangelium S. Matthæi esse canonicum. Sed ex Ecclesiæ auctoritate constat

constat Euangelium S. Matthæi esse S. Matthæi, vt facit Huan-
 nius, ergo ex Ecclesiæ auctoritate constat Euangelium S. Matthæi
 esse canonicum. Maior probatur. Quia hoc ipso, qd Ecclesia declarat
 Euangelii S. Matthæi esse S. Matthæi, declarat illud esse canonicum:
 declarat enim Euangelium illud esse S. Matthæi tanquã scriptoris ca-
 nonici, & qui à Spiritu sancto immediatè sit in scribendo guberna-
 tus & directus: nam si non declararet illud esse S. Matthæi, vt scri-
 ptoris canonici, sed vt priuati duntaxat historici, sponte sua, non
 singulari Spiritus sancti instinctu ad scribendum impulsus, & in scri-
 bendo versati, tunc non plus sciremus de Euangelio S. Matthæi,
 quàm quod historia humana esset, hocque nòmine legi posset. Ergo
 vnde scimus S. Matthæi Euangelium esse S. Matthæi, inde scimus
 etiam, Euangelium S. Matthæi esse canonicum, quia non aliunde
 scimus S. Matthæum, tanquam scriptorem canonicum, ad scriben-
 dum accessisse: quàm ex Ecclesiæ testimonio. Nec hunc nodum
 soluet Hunnius, licet in omnes partes se verteret, & reuerteret, iamque
 hoc, iamque aliud dicat, atque adeo sibi contradicat. moxque quod
 affirmavit, neget; & rursus quod negavit, affirmet.

Quod D. Tanner vos nominavit *versipelles*, id cur ægrè feras,
 causam non habes, quantum quidem ad te attinet. Si enim tibi
 ius fasque est ex Lutherana æquitate, vt omnes Catholicos *asinos Ro-*
manenses, omnes Patres Concilij Tridentini, *Beatos Tridentinos*, Pon-
 tifices Romanos, *diabolos incarnatos*, omniumque bipedum nequissimos
nebulones nomines, adeo succensere non debes, si *versipellis* nomen
 in te coniectum sit. *Versipellis* à *versa pelle* dicitur. Quis sapius vertit
 & versat pellem, quàm Prædicans, qui quid crediturus sit postridiè,
 nescit pridie. Polypus est Prædicans, Proteus, Vertumnus, &
 Empusa, cur non & *versipellis*? Dicitur & vulpes *versipellis*, quia
 licet pellem non vertat, vertit tamen mentem. Vulpes esis & vos.
 Cur coligium vulpinum reuultis?

Porrò illud mirificè mihi arridet, quod informem tuum dispu-
 tandi modum defendis exemplo diaboli, qui in agone vltimo,
 quando cum quouis de summa rerum disputat, non patitur se
 adigi ad formam, sed si vel sexcentas ei formas obieceris, inquit
 Prædicans, ad earum quamlibet emissio crepita. (notate cre-
 pita-

pitacula Hunniana, notatē acutissimas argumentorum solutiones) videbit in sinu. Formenius ergo formam. *Diabolus non disputat in forma, ergo nec Prædicans in forma disputare debet.* probatur consequentia. Quia Prædicantes sunt discipuli diaboli. Item adhuc subtilius, Satanas soluit singula argumenta in forma proposita *emisso ereptis*. Ergo idem, Magistri exemplo, faciendum est Hunnianis erepatoribus. Nam hoc petarro disiciuntur omnia propugnacula, licet adamantinis firmata vectibus. Olim Lutherus tenebat hunc modum respondendi ad argumenta diaboli, ut ipse non semel scribit. Nunc diabolus edoctus à Luthero altitonante, eundem, ut video, vsurpat aduersus hominem. Sed cum tam probè tibi perspectum sit; qua arte diabolus soluat argumenta, subit suspicari, tibi argumentanti has solutiones aliquando à diabolo datas; cum hoc mandato, ut similes des tecum in forma disputantibus. Quod si ita est, tum diabolus tecum disputet, non ego; Neque enim Ægyptius sum, quos has Hunnianas argumentorum solutiones pro Dis honorasse legi aliquando in Origene aduersus Celsum antiquum Prædicantem scribente.

Dicis. *Christus non disputauit cum Diabolo in forma*: Ergo neque nos ad formam adigi debemus: cum enim pepererit Christus Diabolo, cur nos *miseri diaboli* affligeremur cum forma? Respondeo, cur Christus in forma non disputauerit cum Satana, suas causas habuit: inter ceteras etiam hanc, quod ea vi & efficacitate loquendi erat præditus, ut etiam simplici & nuda duntaxat oratione adhibita, facillimè os aduersariorum obturaret: At verò catholici suas habent iidem causas, cur cum diaboli scholaribus, tam verbosis & loquacibus, nolint disputare, nisi intra circum formæ. Vident enim nec finem nec modum, clamandi esse, nisi disputatio his formæ cancellis circumscribatur. Aio Locutio ubique extra formam litare possunt Prædicantes: intra formam Harpocrates sunt, & Mutij.

Verumenimverò si te tueri, parabas exemplo disputationis Satanæ cum Christo initæ, longè aptius id facere poteras in hunc modum. Satanas Christum disputando aggressus non seruauit formam, Ergo & nobis Prædicantibus eam non seruare licebit. 2. Satanas testimonia scripturæ malè intellecta, deprauata, & decurtata Christo obiecit, ergo idem quoque nobis ius fasque erit. 3.

Satanas,

Satanas nunquam respondit Christo ad propositum, sed statim, audita responsione Christi, ad aliud se transulit: ergo & nobis, nihil quod ad rem faciat, respondere, & ab alio ad aliud transilire licebit.

4. Diabolus disputans cum Christo venit à deserto Hierosolymam supra pinnaculum templi; Hierosolyma in montem excelsum; à pane ad lapides; à lapidibus ad præcipitium; à præcipitio ad omnia regna mundi, ab omnibus regnis mundi ad promissionem de omnibus donandis, si procidens cultum adorationis exhiberet. Ergo & Prædicantibus integrum erit inter disputandum peruagari omnia: & à norma controuersiarum saltare ad infantes legis naturæ & Moisaicæ, quomodo saluati sint: ab his ad latronem in cruce, à latrone ad iustificationem & iustitiam imputatiuam: ab hac ad Aaronem: ab Aaronem ad Antichristum, à iudice controuersiarum, ad iudicem in extremo iudicio. Quid multa? Ne diabolus quidem, etsi celerissimus, tam expeditè potuit à baculo ad angulum; ab angulo ad angelos, & ab his aliò transuolare, quàm nostri Prædicantes, saltatibus aprauiuentis, ab yno argumento ad aliud:

Præterea, sicut diabolus disputans cum Christo, citansque scripturam, elegantissimas & ingeniosissimas consequentias insinuauit, etsi nullam discretè posuit, ita & ministri eius Prædicantes, cum scripturas adducunt, vberriam nobis segetem pulchras consequentias texendi subministrant. Exempli causa, diabolus ita, virtute saltè, si non actu, argumentabatur. Scriptum est; angelis suis mandauit de te &c. in manibus portabunt te; ergo securè poteris te præcipitem dare de culmine huius templi, nihil feres incommodi; sic & Prædicantes: scriptum est; omnis doctrina diuinitus inspirata, utilis est ad docendum, arguendum &c. Ergo scriptura est norma vnica omnium controuersiarum. Scriptum est: Est, qui vos accusat Moyses: ergo scriptura est iudex omnium controuersiarum. Scriptum est: sermo Dei est discretor (criticus) cogitationum; ergo sermo Dei est iudex omnium controuersiarum. Ego de forma hic abiungo, & Catoniana parodia tibi æclamo: *Omnia si perdas, Formam seruare memento: Quæ semel amissa, non est quod perdere possis.*

Volebam abiungere, sed adiungendum est & hoc. Speras fore, vt Clemens octauus formam Dialecticam canonizet: & prope sanctam Catharinam Philosophorum sub Papatu patronam colloct. Falleris.

Hunni; iam est Canonizata; non à Papa; Sed à verorum Theologorum & Philosophorum schola: huius enim est has Divas Canonizare; quæ se tanto honore nō dignatur, vt ad sanctam Catharinam in cœlum transferatur. contenta est Lyceo; & Eruditorum gymnasio: Hoc pro cœlo habet & inhabitat: Quod S. Catharinæ clientes esse desistis: non miror, triplici nomine: 1. quia nec Theologi, nec Philosophi estis, quorsum ergo scholis patrocinium S. Catharinæ Philosophæ & Theologi inclytæ? 2. Quia Veneris; Cereris & Bacchi mancipia estis? Quid ergo vobis cum patrocinio S. Catharinæ? 3. Quia Catharinæ Borrhæ aut filij aut nepotes estis. Quid seu nepotibus seu filiis sacrilegæ meretricis Catharinæ Borrhæ cum castissima virgine Catharina, Costi filia? Ne digni quidem estis tanta patrona; etli indigi, qui in locum virginis tam sanctæ & doctæ substituitis adulteram tam flagitiosam & insipientem. Vtebatur facultas Philosophica Wittebergensis Academix ante paucos adhuc annos sigillo, vt vocant, in quo imago D. Catharinæ erat, vt ex fide dignis cognoui. Fortasse iam dum Superintendens es, accinuisi illud: *veteres migrate colone*: & date locum Catharinæ Borrhæ. Sed vix puto futurum vllum Philosophiæ studiosum aut candidatum, qui Thaidem illam suo in vitæ doctrinæque testimonio circumgestare velit, quid enim vir probus statuatur de illo, cuius testimonium meretricis imagine obsignatum monstratur.



Textus Epistola.

Non minus certè conuicti fuerunt, circa alterum illud principale punctum disputationis, an scriptura sola sit iudex omnium controuersiarum religionis, illo præsertim argumento D. Gretseri; omnis iudex ita debet sententiam dicere, vt altera pars litigans euidenter sciat, se vicisse

cisse, altera pars euidenter sciat se causam amis-
sisse, quantum est ex parte illius iudicis: hoc
autem scriptura non potest. Ergo scriptura non
est iudex, &c. Maior propositio ita euidenter est,
vt nec aduersarij quidem eam negare ausi fue-
rint, minor experientia aperte comprobata est,
cum aperte constet, exorta aliqua in fide contro-
uersia, vtramque partem litigantem, non obstan-
te scripturæ sententia, censere se scripturæ iudicio
vicisse. Ad quod argumentum aliud respon-
deri non potuit, quàm quod in extremo primum
iudicio pars errans sit intellectura se scriptura iu-
dice damnatam esse. Quod perinde est ac si dice-
rent, scripturam in hac vita iudicem esse non posse, q̃
quidem argumentum intendebat. Quod si nostræ
partis Theologis integrum fuisset aliquas adhuc
suarum probationis classes persequi, præsertim quartam illam,
qua probandum erat quod Ecclesia solū Catholica
sit vera Ecclesia, atq̃ adeo iudex cōtrouersiarum
religionis, nō dubito, quin aduersarij ad extremam
planè desperationem adacti fuissent. Interim ex
his, quæ breuiter commemoravi, satis intelligis,
quanta sit vanitas & impudentia aduersariorum,
dum (vt ais) victoriam ex disputatione iactitant,
tanq̃ si causam euicissent. Certè Prædicantes Ratis-
bonæ tam impudentes esse ausi non sunt, ne scili-
cet ma-

cet manifesti mendacij palam tot testibus argue-
rētur, quot ex hac ciuitate præsentes disputationi
interfuerunt. Hortati quidem sunt populum pro
cōcione ad agendum Deo gratias pro felici dis-
putationis euentu. Sed quid agerent miseri?
**Sie seyn auffß wenigst fro daß mans noch im
Landt leide/ vnd nit gang vnd gar verereibt. Ne-**
que verò eiusmodi rumoribus mouentur, nisi illi
qui hæreticorū malitiā aut nō norunt, aut fouent.
D. Hunnius certè, quē antea virum doctū & cor-
datum existimabā, suam apud me existimationē
planè amisit, cum nihil magis ex tota disputatione
intellexerim, quā eius artem omnem in ter-
giuerfando sitam esse.

Quòd autem scripseras spargi passim D. M.
Conradū in Curia publice conuictū aliquot men-
daciōrū, id simillimū est iis, quæ ego etiā de ipso
audiui sparsa esse, quòd videlicet flexis genib. ve-
niam deprecatus fuerit, & postea exulare iussus.
Certè D. Conradus, quocū ipse cōuersatus sum
Ratisbonæ, viuit feliciter, & similia aduersariōrū
mendacia ridet: nec dubito, quin ipse pro se breui
luculenter responsurus sit. Id solum iam addo, q̃
ipsomet referente intellexi, nimirū inter alia locū
quendā Lutheri ita pudendū & spurcitix plenū
Prædicantib. fuisse exhibitū, in eo priuato con-
gressu

gressu (non autem in Curia, vt mendax ille scriptor euulgauit) vt & ipsos quoq; Prædicâtes, in quibus alioquin exiguus pudor, puduerit legere. Atq; hæc breuiter quidem nō pro rerum copia, sed pro temporis mihi concessi breuitate & negotiorum plurimorum, quibus distineor, multitudine, satis prolixè aliàs cum per tempus & negotia licuerit, plura. Ratisbonæ mense Decembri. ANNO, 1601.

NOTE IN NOTATIONES
HVNNIANAS.



Yllogisum D. Gretseri prostrauisti profectò velut cœlesti fulmine, vt tu hic meus Salmo neus tonas, fulguras, & fulminas; Caue nè nouus Remulus *fulmineo perea imitator fulminis ictu*. Prostrauisti, inquam, quia primo concessisti Maiorem, negata Minore, postea pondere pressus iniquo, concessisti largè & prolixè Minorem, negata Maiore. de quo plura nuper D. Gretserus in suis Digressionibus, quæ me coërcent ne longius digrediar. Ego tibi vitio dare non possum; quod egisti, si non doctè, saltem cautè, tam minoreth, quàm maiorem tangere renuens, aut *pendente gradu, quasi super aristas aut ouas* incederes, tangens. *Cautus enim metuit foueam lupus, accipiterq; suspectos laqueos, & opertum miluius hamum*. Ego si tuo loco sedissem, negassem statim ab initio istam Maiorem: Omnis Iudex quando à partibus litigantibus aditur, ita debet dicere sententiam, vt altera pars euidenter sciat, se causam obtinuisse, quantum est ex parte huius iudicis, altera euidenter sciat, se causam amisisse, quantum est ex parte huius iudicis, siue iustè siue iniuste. Ego negassem istam Maiorem, quia fieri potest, vt vtraq; pars aut, si sint plures partes, omnes simul causam amittant, eaq; adiudicetur alicui, qui his partibus litigantibus sit ignotus: vt V. G. Si Lutheranus & Calvinista accederent ad controuersiarum iudicem, super questione de re Eucharistica, nec Lutheranus causam obtineret, nec Calvinista.

Galuinianus, sed uterq; causa caderet, & tertie cuidam parti victoria referuaretur. Item, si cum Anabaptista iudicem controuersiarum adires propter controuersiam de paedobaptismo, uterq; causa caderet: Anabaptista, quod negaret infantes esse baptizandos; tu, quia affirmares ideo baptizandos, quod *actualiter* credant. Ille ergo damnaretur propter assertionem, tu propter assertionis causam. Prætereo alia exēpla; quia ex his satis planū fit, Maiorē non esse liquidū verā. Quare igitur ē vestigio non negasti? Sed si negasses, tunc, opinor, D. Gregerus statim quod deesse visum fuisset, addidisset in hunc modum. Omnis iudex, quando aditur, ita debet dicere sententiam, vt altera pars euidenter sciat, se causam obtinuisse, quantum est ex parte huius iudicis; altera, se causam amisisse quantum est ex parte huius iudicis siue iuste, siue iniuste, aut si neutra pars rectē sentit, aut ius ad rem controuersam habet, tunc ita debet dicere sententiam, vt utraq; pars euidenter sciat se causam amisisse, quantum est ex parte huius iudicis, eamq; alteri cuidam referuatam esse, quantum est ex parte huius iudicis. Hæc appendix statim ad maiorem addita fuisset, si propter similes casus negata fuisset.

Cæterum tu non ideo negas, sed quia stolidissimè tibi aliisq; persuades, hoc non esse officium iudicis in hac vita, & in hoc foro, in quo nunc versamur, & in quo nunc controuersie excitantur & agitantur. Et ad hanc stolidissimam tuam phantasiā cohonestandam adhuc stolidius adducis aliqua testimonia planè more & ritu diabolici, quicū CH RISTO suaderet, vt se de pinaculo templi præcipitaret, subiungit: Scriptum est, quia Angelis suis mandauit de te, &c. Quasi locus ille scripturæ pertineat ad illum, qui se ex alto in imum deturbat; quasi huic promissio illa sit facta, vt omnis noxalenti expers maneat, quippe ab Angelis subleuandus, & adiuuandus, ne corpus ad terram allidat, & elidat. Ita tu: *Qui non credit, iam iudicatus est: ergo iudex controuersiarum huius vite & fori, non debet ita dicere sententiam, vt altera pars euidenter sciat se causam obtinuisse, altera se amisisse.* Quare, quando aliter non poteras, non soluisti argumentum eo modo, quo supra dicebas, Diabolum soluere solitum argumenta in forma tibi subposita? Certe paucioribus te extricare non poteras. Nosti autem frustra fieri per plura, quod fieri potest per pauciora. At fortassis ita soluisti argumentum, vt à tuo Stercutio Doctore edoctus es. Sed amoliar me ab hac Camarina. Insufurrat Poëta, πῶλλὰ καὶ μὲν τὸ κακὸν κατὰ κράτος ἐνδὸν ἄμεινον. *Malum intus delirascens sape melius est.* At
vd

vel inuitus retrahor propter electum Diaboli organum beatorum Martinum Lutherum (sic enim legendum ex veteri codice, non *beatum*, ut scribit Prædicans) flagitiorum & stercorearum recordationis; propter electum istud κοποθέρσιον & ἀποστέρησιον, propter istum communem ἀπόπατον, quod, velut in cloacam, omnes sordes confluxere: propter istum Islebicum Copronymum, Prophetamq; Copronymianum & latrinarium, cuius sordes & stercorea in geminas mira metamorphosis transformare vult noster Hunnianus Naso. Qui cum inaudisset Prædicantes Symnistas suos à M. Conrado Andrea in privato Colloquio Ratisbona in ruborem datos, propter locum quenquam Lutheri nimis mysticum, quem Prædicantes legere non ausi coram Serenissimis & Illustrissimis Principibus: *Queso*, inquit, *legite Serenissimo vestro Principi caput 16. & 23. Ezechielis & conferre eam cum his, quæ D. Lutherus scripsit. Quid? tunc impudens caput merdas & stercorea & cæcationes*, quibus Lutherus tomos suos ubique obleuit, & crepitus, quibus omnia Lutheri volumina perfonant, conferre audes cum vocibus Spiritus sancti per Ezechielem emissis? Quid in illis capitibus Ezechielis turpe, si modum loquendi spectes? Quid quod non à Principe & coram Principe legi possit? At videam illam frontem, quæ sine mutatione legere & recitare possit obscenissima, turpissima, & sceleratissima dicta Lutheri, quæ ex tomis eius collegit D. Pistorius. Ne tua quidem frons, licet attritissima & pertrictissima sine aliquo verecundiae signo id præstare valeret. Quis sterces, quis sterctus, quæ Cloacina, qui Satyri, qui Fauni, qui Panes, qui Sileni, qui Priapi magis spurcicida dicta dixerunt & pleno ore egresserunt? Erat olim Hierosolymis porta sterquilini: Sub hac satum & natum crederem Lutherum, si non Saxo, sed Palæstinus fuisset. Ovidius de se puero: *Quicquid conabar dicere, versus erat*. Lutherus nouus iste ex Batrachomyomachia βορβορομήτης. *Quicquid conabar dicere, sterces erat*; Cypris erat, *Phallus erat*; & id genus alia ex mediis ganeonum & luparum gurgustis hausta. Quod M. Conradum Andrea vocas *canem impudentem*, nihil aliud respondet, quam illud eximij vatis. *Mordear opprobriis falsis, mutemq; colores? Falsus honor iuuat, & mendax infamia terret, quem nisi mendosum, & mendacem?* Si Lutheranum responsum Lutheranumq; balsamum halans desideras, dabit id cum Demetrio dicere solito: *Eodem loco sibi esse voces imperitorum, quo ventris crepitus, quid enim, aiebat, mea refert, sursum isti, an deorsum sonent. Hæc ex myrothecis tui Cacademici Schesippi Lutheri.*

Dicis ad extremum, *famam de te sparsam, quasi te suspendisses, nec-
ramq; longam ex corpore tuo fecisses* : Equidem fama hæc ad me
nunquam peruenit; si tamen vera cecinisset, non adedò vehementer
factum tuum admiratus fuisssem. Neq; enim primus aut vltimus Præ-
dicās fuisses, qui se pensilē fecisset. Et potuisses defendi exēplis biblicis
Iudæ & Achitophelis; ego adiecisssem epigramma, forsan non pro-
cul à Musis & Apolline natum. Imò iam feci, sed non promo, ne tibi
desiderio tam festiui Epitaphij iniiciam desiderium restis. Iuberem
te benè valere, sed ais te *reclisimè valere*. Quod ergo habes, id tibi
precari superuacuum fuerit. Sed vide, *ne, si te populus sanū, recteq; va-
lentem dilexerit, occultam febrem sub tempus edendi dissimules*, donec
manibus tremor incidat vñctis. *Stultorum incurata pudor malus vlcera
celat.*

Tandem iterum triumphum tibi decernis, Deoq; pro victoria
gratias agis. Ergo *latos molire triumphos, & Pæana voca, nitidaq; incinge-
re lauro*. Tuq; dum procedis, *io triumpho non semel dicemus*, io triumpho ci-
uitas omnis, dabimusq; *Diuis thura benignis* : nisi mauis illud à militibus
Cæsari, per Gallicum triumphum, acclamatum. *Urbanis seruate vxores,
barbatum hircum adducimus*. Occasio Hunni obtigit, *ut liberet ex popu-
lo Prætor te*. Forsan cum Plautino Gripo nunc ratiocinaris de futuris,
*domum instrua m, agrum, ædes, mancipia, nauibus magnis mercaturam faci-
am*. Apud Reges Rex perhibebor. *Pòst animi causa mihi nauem faciam*, atq;
imitabor Stratonicum, oppida circumueclabor, *ubi nobilitas mea erit clara*,
oppidum magnum communibo, ei ego *vrbi Hunni indam nomen*. *Monumen-
tum mea fama & factis*, ibiq; *regnum magnum instituam*. *Ad summam, &
po minor ero Ioue, diues, liber, honoratus, pulcher, Rex deniq; Regum*; Inte-
rim tamen antequam hæc fiant sæpè adhuc cum aceto pransurus
es, & sale, sine bono pulmento, non tamen sine
bona cereuisia wittenbergenfi.

FINIS.

399. 746³